

يعمي سكينه صاحت يا مُشيم
يحامي حدنا بخيمنا العطش عم

لفت سكنه لعمها تطاب الماي
تنشده بالله قطره تُبرد احشاي
أريد اروي عطش جبدي يسقاي
يمن جفك سحابه تجلي الغم

على ايديها الولد عيدالله نحلان
يبس ريق الطفل يتاظي عطشان
ثلث تيام ضامي قلبه لهفان
املولح رقبته يشوفه يتألم

تقله عمي خويه خايفه ايروح
أني مقدر أشوفه يفارق الروح
كسر قلب امي لجله علت النوح
بجيهما زلزل اركان المخيم

مسح راس الطفل بيده وضمّه
يقبل منحره بحرقه يشمّه
شعب قلبه وغلى بعروقه دمّه
يهيج بغضبته يرويه عزم

أخذ سكنه العزيزه بحضنه عباس
يبت خويه يقلها واغلى هالناس
أنا ادري مصيبتج صعبه ما تنقاس
يريت ارويحتي العيناچ مرهم

لقر عينچ يسكنه جيبي الجود
فداچ المهجه خل تقطع هالزنود
يعل راسي يخسفونه بالعمود
لجيب الماي لو جسي تخدم

حمى بيه الغضب صدره يشب نار
ظهر مهره امتطى واعله العدا دار
شبل حيدر جرفهم چنه اعصار
عليهم كربلا صارت جهنم

أسد حدر على العسكر او فلهم
قلب جيش العدو فرق شاملهم
أنا ابن المرتضى المهيبوب ايقلهم
لسوي النايحه بكل بيت ماتم

كشف نهر الفرات الله من طب
ملى جوده او جوفه جمره تلهب
ترس چفينه لكن عافه ينصب
مثل عبراته لجل سكينه تسجم

حال البين بينه او بين لوعود
خر من المهر برويحتته يجود
سهم بالعين او سهم مزع الجود
بلا ذرعان يمه حسين يلطم